

HIERONYMUS.

ET ZEBIOΣ.

EUSEBIUS.

tum arbitror, præ reliquis templi porticibus propter mirabilem substructionem muri à parte Orientali, profundasque valles inter murum & montem Moria impletas, cui substructioni tota hæc innitebatur porticus.

PROBATICA PISCINA. Vide supra BETHESDA.

PTOLEMAIS & PTOLEMAIDA, Phœnices urbs maritima, Tyro ad Meridiem, Carmelo monti ad Septemtrionem, à quo quatuor milliariis horariis distat juxta Adrichomium; centum viginti stadiis juxta Josephum. Ejus uberiores descriptionem vide apud Josephum Lib. 11. Belli Judaic. Cap. 6. Hæc olim ACCHO dicta est, quod urbis nomen habes etiam in Scriptura Judic. 1. v. 31. ex quo intelligimus eam cecidisse in sortem tribus Aser, licet Phœnices habitatores pristinos expellere non potuerit. Hæc à Strabone, Plinio, Stephano *Ace* olim dicta proditur; hoc tempore *Acon* nominari asserunt Adrichomius, Mercator, Villanovanus in notis ad Ptolemæum. Apud Hieronymum in Epitaphio Paulæ mendosè *Coth* vel *Cod* hujus urbis nomen exprimitur.

PUTEOLI, Campaniæ in Italia urbs Ptolemæo, *Potiolæ* dicitur à Stephano, *Dicaarchiam* vocat Strabo, quo nomine olim vocatam testes sunt Plinius & Stephanus.

PUTEUS AQUARUM VIVENTIUM, Cant. 1v. v. 15. Huic certum etiam locum, & situm assignant Brochardus & Adrichomius, nempe juxta Tyrum, ab eaque uno milliari parvo distat facit Adrichomius versus Austrum, à mari magno verò paulo amplius quàm jactu arcus. Hunc copiosissimum esse fontem ajunt: imo Brochardus tres ait esse *puteos* miræ magnitudinis, omnes quadratos, sed unum duobus reliquis majorem esse: videlicet quadraginta cubitorum in quadrum, duos alios viginti quinque cubitorum. Consentit Adrichomius in omnibus, nisi quod quatuor fontes vel *puteos* quadratos esse dicat. Hujus *aquis* totam illam regionem irrigari & fecundari asserunt. Sed unde habeant illum esse puteum, qui à Salomone indicatus est, nec probant, nec ut arbitror, firmo argumento probare possunt.

PUTEUS ELIM, apud Moabitas, Isaïæ xv. v. 8.

¹ PUTEUS JUDICII, usque in præsentem diem in regione Gerariticâ. Vocatur autem villa Berdan nomine, quod Latine dicitur puteus Judicii.

Φρέαρ Κρίσεως, εἰς ἔτι νῦν ἐστὶ καὶ μὴ Βηρδὰν καλεσμένη ἐν τῇ Γεραριτικῇ.

PUTEUS JUDICII, est usque hodiè vicus qui vocatur Berdan in terrâ Gerariticâ.

² PUTEUS JURAMENTI, quem fodit Abraham, id est, Bersabee in regione Gerariticâ. Diximus de hoc & supra.

Φρέαρ ὀρκισμοῦ, ὃ ὠρεῖεν Ἀβραάμ, ἐνθα ὤμοσεν. αὕτη νῦν καλεῖται Βηρσαβὲ ἐν τῇ Γεραριτικῇ.

PUTEUS JURAMENTI, quem fodit Abraham in quo loco juravit. hæc nunc vocatur Bersabee in regione Gerariticâ.

³ PUTEUS JURAMENTI, ubi juraverunt Isaac & Abimelech, vocaturque oppidum Isaac.

Φρέαρ ὀρκου, ἐνθα ὤμοσεν Ἰσαάκ.

PUTEUS JURAMENTI, ubi juravit Isaac.

⁴ PUTEUS VISIONIS, in deserto, apud quem habitavit Isaac.

Φρέαρ ὁράσεως, ἐπὶ τῆς ἐρήμου ἐνθα κατῴκει Ἰσαάκ.

PUTEUS VISIONIS, in deserto, ubi habitavit Isaac.

PUTEUS VIVENTIS ET VIDENTIS. Vide PUTEUS VISIONIS proximè.

⁵ SUNT ET ALII, plures putei in sanctis Scripturis, qui hodiè que in Gerariticâ regione, & juxta Ascalonem demonstrantur.

Καὶ πλείονά ἐστι φρέατα ἐν τῇ γῆρα-
φῇ, καὶ εἰς ἔτι νῦν ἐν τῇ Γεραριτικῇ,
καὶ ἐπ' Ἀσκαλωνος δέκνυνται.

Sunt & plures putei in scriptura, & usque hodie tum in terra Geraritica, tum Ascalone monstrantur.

N O T Æ.

1. NUSQUAM reperio in Scripturâ *Puteum Judicii*, neque *Berdan*, vel *Beerdan* in Hebræo, quod *puteum Judicii* significat; sed bene *fontem Judicii*, Gen. 14. v. 7. sed ibi planè alia vox est in Hebræo *בְּנֵי מִשְׁכָּפָּא* *ben mischpâ*: adde quod is fons procul esset à Gerariticâ regione. Videtur autem alludi hic ad puteos *diversos*, quos fodit Isaac in regione Gerariticâ, quibus ex diversis occasionibus diversa imposuit nomina, Gen. 26. v. 18, 19, 20, 21, 22, 25, 32, 33. attamen nullum invenio, qui nomen hoc acceperit. BONFRERIUS.

2. De hoc puteo habes Gen. 21. sub finem. Vide supra in BERSABEE. IDEM.

3. Non est hoc nomen à præcedenti diversum, in eodem enim loco Gerariticæ regionis habitaverunt Abraham & Isaac. Videtur tamen

Isaac levem voci attulisse mutationem, nempe ex *בְּנֵי מִשְׁכָּפָּא* *Beersabab* fecisse *בְּנֵי מִשְׁכָּפָּא* *Beersabab*, hoc est ex *Puteo juramenti* vel *septem* appellasse *Puteum abundantie*. Vide dicta à nobis ad Gen. 26. v. 33. IDEM.

4. In versione nostrâ vocatur *Puteus viventis & videntis*. De eo puteo, & Isaac deambulante in viâ, quâ ad eum puteum ibatur, ubi & Rebecca ei occurrit, habes Gen. 24. v. 62. De hujus autem nominis impositione ab Agar facta habes Gen. 16. v. 14. IDEM.

5. Habes de his puteis variis ab Isaaco effosis in regione Gerariticâ, variisque nominibus iis impositis Gen. 26. v. 18, 19, 20, 21, 22, 25, 32, 33. IDEM.

Q.

QUERCUS FLETUS. ad radices *Bethel*, sub quâ Debora nutrix Rebecca sepulta est, quæque à luctu in ejus funere demonstrato nomen hoc accepit. Gen. xxxv. v. 8.

QUERCUS SICHEM, juxta quam inunctus, coronatusque est rex Abimelech Judic. 1x. v. 6.

QUERCUS THABOR, 1 Reg. x. v. 3. quæ à monte illo *Thabor* in Scripturâ nominato nomen non habuit, sed aliundè, seu à viro quopiam, seu loco aliquo aliàs obscuro & ignobili: fuit enim in tribu Judâ vel Benjamin hæc *Quercus*, cum mons *Thabor* in tribus Zabulon, Issachar, & Manasses esset confinio.